

# QVÆSTIO MEDICA;

CARDINALITIIS DISPUTATIONIBVS

MANE DISCVTIENDA IN SCHOLIS MEDICORVM,

Die Iovis, 2. Aprilis,

M. CAROLO GVILLEMEAV,

DOCTORE MEDICO,

Præfide.

*Est-ne Hippocratea Medendi Methodus omnium certissima,  
tutissima, præstantissima?*



EDICINA Dei munus, Dei manus, quæ in homi-  
ne plus invenit, quàm is in se ipso cognoscit, artium  
omnium nobilissima, ad humanæ imbecillitatis opem  
auxiliumque divinitus & condita & edita; sapientiæ  
soror & contubernalis, illa ab antiquo existens;  
paucarum olim herbarum scientia: Est adjectio  
deficientium, & detractio superfluentium, singulare

φιλανθρωπία δὲ in hominum gentem beneficium; ejus finis est sanitas,  
quæ omnium actionum integritate concluditur; officium est, citò,  
tutò & jucundè curare, quod legitime minimæque morâ perficit,  
cùm paucis (Græcorum more) sed iudicio delectis, & usu probatis  
remediis utitur, non acribus, non malignis, non deurentibus, non  
venenatis, non occultis, sed temperatis, morbo valentioribus, mor-  
bi causam stirpitus evellentibus, nullâ symptomatis cujuslibet habitâ  
ratione. Desperatos & insanabiles non attingit, nec semper movere,  
sed interdum quiescendo plus proficit, quàm movendo. Neque  
solum aegris confert, sed etiam sanis, illos restituit, hos constituit.  
Medicus οὐδὲ γὰρ πᾶσι μόνος est autor curationis, si occasionem na-  
tus erit, eaque inventâ feliciter utatur: eò ducunt sapientia & eru-  
ditio, non cæcum illud insanientis & deliræ mortalitatis numen

A

fortuna fors, (nunquam enim temeritas cum sapientia commiscetur, nec ad consilium casus admittitur). Omne fortuitum excludit, nihilque admiratur bene composita mens, totum curationis opus prudenter, & ex arte dirigit. Philosophia illa Thaumantis soboles, res summa, ad paucos pertinet: Eloquentia res admirabilis, non pluribus prodest, quàm nocet; sola est Medicina, quâ opus sit omnibus. Medicus, vnius Regina mortalium Naturâ administer, sibi subservientibus ministris præest, Chirurgis antiquissimis & nobilissimis artificibus, quibus manum regit sapientia, fortunat peritia, adjuvat solertia; Clinicis, Balneatoribus, Rhizotomis, Pharmacopœis, quorum operâ genus hominum felicius quàm facilius careat. Sola artium Medicina ipsis imperatoribus imperat, quippe cui à summo imperio nomen, *Μέδωντες* Reges sunt, vnde medentes. Horum ille optimus, qui perpaucis, ijsque simplicissimis & paratu facillimis remediis partes suas agit, qui tamen pluribus salutis est, quàm nobiles isti Ardeliones cum sua polypharmacia, quam Hygeia abdicat, inscirtia ceu filiolum exosculatur: præstantior, qui minùs peccat (cùm homicidii crimen sit in hominis salute peccare). Non ille personis tragicis simillimus, non somniorum interpret, aut vanus conjector, non de circo Astrologus, non Alchymista cinerarius, non qui multitudinis imperitâ, ad nova omnia pruriginis avidâ, famam ambiziose aucupatur, non agyrta fumivendulus, non crumenarum avarus emunctor planus, non inscirtus & imperitus periclitator Empiricus, non qui videri malit, quàm esse; sed vir probus medendi peritus, qui in Hippocrate alter Galenus, in Galeno Aretæus, non Arabs barbarusve: qui veterum scripta evolvit, qui à cognitione causæ non aberrat, qui circa *αἴτιον* in morbis non fallitur, qui criticorum dierum ingenium in numero habet, nec per eos semper feriandum Diacritario aut Iudæo more putat, qui morbum à morbo distinguit, qui multarum rerum peritus, solertis ingenii acie morborum eventus prænoscit, qui Philosophus, non Aretalogus, Dogmaticus, non Empiricus, Chirurgus, non Vespillo. Certè quisquis ille fuerit, non modò *πολλῶν αἰτιῶν ἀγών*, sed *ἰσότητος* habendus est, aut saltem vno minor Iove.

**T**ALES eximio supremi Numinis dono exitere Hippocrates & Galenus: ille *ἀσκήρ* χηρὸς *ἰσότητος*, tam falli, tam fallere nescius, quàm propemodum ipse Sol, quem quis dicere falsum audeat? Rationalis Medicinæ Princeps, perennis profectò, si primus Homerus est ingeniorum fons: Philosophus ante natam, certè ante notam philosophiam, semper laudatus, satis nunquam. Bene me-

*Est-ne Hippocrateæ Medendi Methodus omnium certissima, tutiss, præst.* 3  
 dendi dux certissimus, omnium & Philosophorum & Medicorum  
 maximus, diligentissimus, peritissimus, nobilissimus artifex, omnium  
 nobis artium & disciplinarum autor, inventor, perfector. Curandi  
 medicandique magister optimus, quem mirantur omnes, sequuntur  
 pauci, quinam assequuntur? Vir planè divinus, qui humanitatis stu-  
 dio, non regie pecuniæ vi, non inanis gloriæ magnitudine impul-  
 sus, sine furo & fallacia medebatur. Rectæ viæ monstrator, quam  
 invenerat, Methodi certissimæ Dux, quam instituerat, qui princeps  
 Naturæ opus, opem & operam perspexit. Homo virtuti simillimus,  
 & per omnia ingenio Diis quàm hominibus propior, qui nunquam  
 rectè fecit ut facere videretur, sed quia aliter facere non poterat.  
 Cuius rationis de rerum natura interpret diligens Aristoteles fuit,  
 cuius præcepta Plato pro amussi habuit. Amissæ Anatomes, quæ in  
 officio medendi velut in ancipiti labyrinthi texto filum est, instaura-  
 tor; indicationis à morbo inventor primus, qui brevi multa, bene  
 omnia docuit, obscurus quia brevis, imò brevior quàm obscurior.  
 Cujus oracula tanquam vox Pythii, cujus scita Delia oracula sunt,  
 qui si qua, pauca certè prætermisit, quia pleraque invenit; qui si  
 quid inchoatè, nihil perperam scripsit; cujus tam effusa benignitas  
 fuit, nihil ut scripserit, scierit nihil, quod nescire nos voluerit: Tan-  
 tà homo solertiâ & sapientiâ, ut quod ipse ignoraverit, scire se fru-  
 stra quisquam gloriatur. Hippocrati alter propè ipse, Galenus suc-  
 cessit: is optimam illam quam orbi ediderat Hippocrates, hominum  
 incuria desierat, ac temporum obruerat injuria, Medicinam in vsum  
 retulit, mortalibus restituit, indidem Asia Græcus, Medicus opti-  
 mus, Medicorum à primo primus, à quo longè est, qui tertius est,  
 Philosophus, Medicus *ἔσχατος ἄνθρωπος*, cujus cùm ita multa desideres,  
 plurima tamen habes, & scientissima præstantis ingenii monumenta,  
 sinceræ germanæque doctrinæ *ἀπαυγάζματα*; fuit enim, quod nemo  
 doctus negarit, *αὐτὸς φιλοσοφώτατος*, Oceanus quidam disciplinarum  
 omnium, artium bonarum promus, cuius ex vberi ac limpidi fonte  
 doctrinæ, delectus Medicorum hausit, quod medicum habuit; cui  
 potissimum debemus, quod Rationalem, Dogmaticam, veram le-  
 gitimamque medendi methodum, singulare Dei munus atque do-  
 num, quasi Promethei cuiusdam laudatissimum ignem, vitæ homi-  
 num intulit (is enim in Naturæ obscuritate, adeoque in altissimo  
 illo Hippocratis puteo delituerat) intermissus ideo & propè negle-  
 ctus, quia nec intellectus. Docuit ille arcanae intelligentiæ Mystes  
 Contraria Contrariis curari, Similia Similibus conservari, ac re qui-  
 dem & veritate docuit. Requirit ille in Medico, quod in se posse-  
 dit consummatissimus artifex, ut sit philologiæ, totiusque philoso-

phia, illius in primis, quæ Naturæ scrutatrix indèxque est, peritus; principia, elementa, temperamenta, vsum partium, animæ facultates, & *ερεχίας*, morborum causas & signa cognoscat, res non naturales quàm pote est, intelligat, indicationum naturam, remedium cum simplicium, tum compositorum vires, vsum, modumque in explorato habeat: cæco enim illo Andabatarum more cum hoste Naturæ pugnat, quicumque istorum alicujus ignarus Medicinam facere ausu improbo tentat. Ac *σὺ* quidem ille *Ἱπποκράτης* Hippocrates medendi artem, sive *ἀσκήσιν* *μαγίστην* maxis, descripsit primus, & salutaribus præceptis adornavit: his viâ & ratione digestis, principem scientiam illustravit, absolvit, sed tam arduâ idipsum gravitate, tam reconditâ brevitate, vt intimum, & primæ admissionis interpretem, aliquot secula desiderarit. Is fuit summo iure Tranquillus, sive Galenum nominas, hoc enim Galenus est, qui nisi mysticis illis Hippocratis tenebris clarissimi ingenii sui facem prætulisset, antiquissimo illo & incomparabili bono careret humana gens: indicationum rationem adiunxit, cuius apertiore indicinam Hippocratea Medicina adposcebat. Ergo vt Cæsar Augustus, vt Trajanus optimus, dum templa, opera, monumenta publica instaurant, resciant, exornant, non minùs gloriæ merentur, quàm singuli autores conditoresve, ita Galenus, qui Hippocratis explanatione, Medicinam illâ sagaci adiectione *ἡ ἀρίστη* locupletavit, opus sparsum incompositumque, quasi Virbium Æsculapius revocavit in lucem, dignus est quem posteritas melior, veluti secundarium Hippocratem, Apollinis Asclepium, Herculis Thæseum agnoscat, veneretur, complectatur, observe.

**N**EC verò optima illa Medicina diuturna fuit, sic fatum est, summisque negatum stare diu. Causæ interiores Hippocratea *ἀεὶ ἀπορία*, sibi quidem illa pervia, paucis obvia, plerisque invia: Rei ipsius difficultas quæ vt solertem industriam ad faciam Cryptam admittit, ita segnem oscitantiam repudiat: humani generis vitium est, proclivia negligere, difficilibus absterri. Ita ex Asclepiadarum gente, quasi è patrio solo germana Medicina exulavit, à certa & stabili sede in diverticula quædam duo abiit, (Rationalium quippe regia via est) Methodicorum, qui præter viam, proterviam faciunt: Empiricorum qui pede vno nituntur, quid mirum si claudi & debiles agyrtæ stipem corrogant? ea lex est rerum omnium optimarum, pessimæ vt sint, quæ illis maximè adversæ, & vitium directæ viæ non est, sed erroris, qui, ab ea quò longiùs diverterit, periculosior fit. Vnde autem illa pestis, atque labes? à foeda & barbara insectia, cui parens atque alarix inertia est; ei obsequuti contumaces Metho-

*Est-ne Hippocratea Medendi Methodus omnium certissima, tutiss. præst.* s  
 dici, stupidi Empirici, à castissima Penelope in viles ancillas lapsi sunt.  
 Atque vt in confinio & fundo salutaris Panacæ, interdum miseros sal-  
 lunt aconita legentes, ita in Hygeiæ sacro & salubri luco subnascun-  
 tur malignæ vires & noxiæ, quæ sub eius etiam vmbra & nomine sub-  
 jiciunt sese, & tantisper, dum adoleverint, delitescunt. Empirica illa  
 scilicet, cui nec Serapio nec Philinus repertores, ipsa sponte enata est,  
 & quo exorta est die, Aloïdarum instar excrevit ad insanam molem, &  
 insolentem sibi fiduciam arripuit, artium bonarum scientiam à se ab-  
 dicavit, vnâ ascivit, quæ etiam nunc dominatur, impudentiam: eâ se  
 omnium vetustissimam gloriatur, experientia vtique, cuius tu (ô di-  
 cacula) abortus es, manca, mutila, imbecillis, ad illam hominum  
 seruatricem Rationalem: Atque ab *ἐμπειρίᾳ* profectò, id est ab attenta  
 atque observata consideratione, artes omnes prodierunt, ipsaque adeo  
 & artium & artificum Medicina custos: Repertis enim casu & vsu re-  
 mediis, in eorum causas inquiri coeptum est à studiosis sapientiæ, illas  
 eruit ex abdito & in vsum logos protulit: & ex ratiocinatrice Ratio-  
 nalis Medicina extitit. Præiuit igitur rationi experientia, vt certo  
 duci, si quis errat in devio, quæritque qui sibi viam monstret, sine  
 directâ quam insitit, & tenenda vsquedum ad arcem salutaris Hygeiæ  
 perveniatur? an, & vbi stectendum, an rectâ pergendum quâ coepit?  
 Sic Empirica incerta sui, in certissimam rationem incidit, cuius si du-  
 ctum non deserit, si regi se patitur, evadit è perplexa illa, & ancipiti  
 variarum ambage viarum: Esto igitur fortuita quædam inventrix  
 medendi, Experientia, huius emendatrix Ratio & perfectrix, quæ ve-  
 rius *τηνικη*, & *μνημονοτική*, observatrix & memoratrix dicatur, quàm  
 improvida cæcæque experientia cum sua symptomatum *συμφορῆς*, quæ  
 sine rationis auspiciis perinde est, atque aperti in tenebris oculi, qui  
 quantūvis contendunt, vident nihil; lux si aliunde affulserit, intuentur.  
 Vno quidem illo concursu veluti scipione nitebantur Empirici; vtque  
 his ille pro duce, sicuti trecentis Parisiensibus baculus pro oculo, pro  
 luce est, sic ista concursione, in morbi notitiâ, curationem ac præsagium,  
 certò deduci se animum induxerant, morbum & morbi causas sùsque  
 deque habebant; nec enim interest, aiebant, quid morbum faciat, sed  
 quid tollat. Hinc triplex illis ordo Medicinæ discendæ, *αἰτιατική*, histo-  
 ria, & transitus de simili ad simile, sed casui cum consilio nihil rei est,  
 & consultum non est, quod intutum; tuti enim quid esse queat, in illa  
 singularum varietate naturarum? in infinito illo *ἰδιούργηματι* &  
 immenso? quo teneas vultus mutantem Protea nodo? quid illa  
 somniorum ludibria? Eædem sunt causæ Historiæ Imitationive, vt  
 incerta sit, quæ decempeda cubitum, cubito decempedam sæpe  
 metiatur. Morbi nimirum aliæ atque aliæ causæ sunt, varia natura



subiectorum, varia constitutionum; iste demum transitus tam est à simili ad simile saepe, quàm ab albo ad atrum, ab atro ad album. Fit in partibus? infidus est: in morbis? fallax est: in remediis? internecinus est: In tam dubios & mobiles scopos, qui per illam <sup>inordinatam</sup> symptomatum tendebant, nihilo certius feriebant, quàm qui passim sequitur corvos testâque lutoque: & illa concursio, itidem vt in acie, militum plerumque funesta & exitialis est; dum incautos fallit, nimium credulis, parum sedulis, minus doctis illudit. Quis autem sapiens vnâ observatione confidat, nec eam exigat ad normam rationis? Quin egregij periclitatores, Anatomes scientiam, hoc est Ariadnæ filum, in illo inexplicabili, irremeabili Medicinæ labyrintho aspernabantur, quid mirum, cum & rationi ipsi, quâ homines, quâ Medici sumus, obnuntiarent, mirum, ni sibi etiam oculos cruebant vt acutiùs cernerent, certè facem in densissimis tenebris extinguebant, vt perspicaciores essent. Sua ergo pericula sibi habeant periculosi artifices. Quid Methodica? quo tandem autore gloriatur? erubescat potiùs Themisone Syrà fraude, autumnio pernicali, Romanâ peste. Is malâ nouandi prurigne, Methodicæ item vt araneoli tenuem orsum formauit; omnibus is Empiricis superbior, præfractior, audacior, nam vel ipso nomine quàm arrogans? in reprehendendo Hippocrate quàm impudens? quàm denique audax in semestri professione perdiscendæ Medicinæ? cui longæ arti vel longissima vita brevis est. Itaque morbi causam, locum affectum, ægri vires, & quibus hæc sacra constant, cætera negligebat, nactus scilicet Medicinæ compendium, hominum dispendium: hoc profiteri indoctissimus nebulo Thessalus, qui tam eiurati pudoris fuit, vt à lana, & pectine, & textrina (quod vtinam solus esset ausus) Medicus repente, hoc est corvus poëta prodierit: vt non immeritò Thraſonem istum acerrimus Galenus scuticâ, imò & flagello sectetur, interdum & nominis sui, dum ferreum illius os cædit, tunditque, obliuiscatur. Adstringunt illi & laxant, aut nescio quid mixtum ex utroque comminiscuntur: miserum interea qui se carpendum illis carminandumque tradidisset, triduanâ suâ, plerumque sempiternâ inediâ macerabant, Diarritariæ pestes, patres Esuritionum, qui experientiam omnem ablegarent, abdita non cognoscerent, citharâ videlicet canerent sine fidebus. Rationis enim opem poscit experientia, nec se vnquam satis, si defuit illa dux, confidit: experientiam ratio percontatur, eique fidem facit, suam etiam accommodat, ita inter se amicè conspirant, manum adiuuat manus, & pedem pes consequitur: alterum ab altero distrahere, sine vtriusque incommodo non possis: regat igitur Experientiam Ratio, hanc vt Dianam sua Opis comitetur. Erit ille Medicus, qui

*Est-ne Hippocratea Medendi Methodus omnium certissima, tutiss. præst.* 7  
*ἵπποκράτους, ἡλικίαν, αἵμα, χόρμα, ὤρα,* dignoscet, qui erit in Hippo-  
crate Galenus, in omni morbo Hippocrates.

**P**ER Herculeos Galeni labores & divinam eius Methodum, re-  
pressâ & sedatâ vtrâque illâ sanctioris Medicinæ peste, Hippo-  
cratea Hygiantice, an Hygeia? vitam recepit, orbem terrarum  
clarissimâ luce perfudit, valuitque, quandiu eruditio & disciplina  
excultior, dum illam certatim inde à Galeno integella Græcia, &  
ævi melioris felices illæ reliquæ, Aretæi, Oribasii, Actii, Pauli, Ale-  
xandri, cæteri propugnant, tuentur, illustant. Ita quamdiu lampa-  
dem illam à decursu inter se tradunt, nec deest qui excipiat, viguit  
præstantium ingeniorum autoritate, valuit suffragio & commenda-  
tione salubritatis suæ. Deterior donec paulatim, & decolor artas, ab  
auri pretio, non in argenti candorem, aut æris splendorem, sed pla-  
nè in ferri squallorem & rubiginem degeneravit. Invasit enim infe-  
licissima secula horrenda illa barbaries & fœda inciticia, tenebræ plus-  
quam Cimmeriæ, offusâ oppressâque luce veritatis, abjunctis able-  
gatisque ab eius comitatu optimis artibus, quarum illa choro septa,  
& ornatio est, & tutior. Illa scilicet in nocte doctrinarum, quâ ni-  
hil est grassatoribus opportunius, Ignotum vobis, Arabes, venistis in  
orbem. Quid enim vobis cum Græco nitore, quem contaminastis?  
cum penitioris philosophia, quam perturbastis? cum puriore Medici-  
na, quam infecistis, *φαρμακίς* & *φαρμακέντι*; trivenefici, trifures? etiam-  
ne in Medicinæ nomen, quæ tam longè à vobis abhorret, invadere?  
quippe hæc, viâ & ratione ad opus suum aggreditur, idque perficit  
simplicibus, paucis, at selectis, at probatis remediis. *Πολυφαρμάκων*  
istorum casta & abstinens reformidat. Quod enim illa pertinet sexcen-  
torum farrago venenorum, nisi ut mortes impensè veneant? Nec  
via mortis erit simplex, compositæ omnes, ut pestem quoque aliâ  
peste arment. Apud istos venalis mors est, nec emptor deest, ibi pa-  
lam venum venenum est, quod impune dat qui vendit, non impu-  
ne accipit qui magno emit. Quàm enim cautè religiosèque Natura  
rerum ad hominum salutem Medicinâ vitur, tam eâ impudenter  
istâ ad quæstum suum abutitur seplasiaria, corruptrix, blanditrix, per-  
lecebra, officiarum nundinatrix, cujus quàm mala merx est, tam  
est arrogans professio, census inanium nominum ac præsidiorum, ut  
sepe in albo militum, qui non pugnant, qui nusquam sunt: necenim  
minor istorum in venenis commiscendis, quàm in venenorum nomi-  
nibus componendis audacia. Phlegmagoga, Cholagoga, Cephalica,  
bechica, cardiaca, bezoardica, lithontriptica, specifica, & consimi-  
lis impudentiæ nomenclatura; quam si Græcorum doctissimi politis-

finique habent dimensam in luculentis commentariis suis & descri-  
 ptam, vsu eam utique compererunt, ratione comprobarunt, non vt  
 venenariæ istæ pestes, exitiorum propolæ, cecâ & præcipiti cupidi-  
 tate lucri prostituerunt. Quinetiam ad metalla damnare ausi sunt  
 infontem ac innoxiam virginem Medicinam, in subterraneos  
 specus detruserunt, vt metallicam faceret, vt crueret ex abdi-  
 tissimis latebris, quod irrepertum, melius situm est, & latet vtilius  
 quam patet. Homini profectò gignitur, quidquid vbicumque ori-  
 tur, attributum ei à summo patre - familias, qui cùm hominem sibi,  
 tum hominis gratiâ omnia effecit, eique vbi nasci eum voluit, beatam  
 apposuit materiam omnium commodorum, quam sagaci curâ & so-  
 lerte industriâ elaboraret. Ab illa parta copia omnium vtilitatum, à  
 vicino & domestico vsu rerum necessariorum, plerosque avocavit &  
 abduxit aliena cupiditas & sua, ad exotica ignotâque auxilia trans-  
 versos egit. Ergo pretiosa pericula, quo non terræ marisque tractu  
 consecantur & advehitur illis ex vltimis terris, vnde domi suæ inter-  
 eant, totoque exquiritur orbe, quo gens quæque perit. Dynastam  
 scilicet natum esse oporteat, vt ager convalescat; At non potentia,  
 non fortunæ, non infanis opibus Medicina, sed humanitati feruit, id-  
 que studet vel maximè vt operosa sumptuosave ne sit, vt frugi, vt præ-  
 parca sit, vt partis paratisque, certè *curatissimis* persanet: Lazulus lapis  
 si defuerit, si eius ramenta & scobs non tanti cimentur quanti pretiosus  
 erro indicarit (cui cum mirifico Vespillone pulchrè convenit, de com-  
 pacto rem gerunt) nisi aut maris aut belluæ vomitum ambram, con-  
 charum recrementa margaritas, ceterasque corruptelas, aut de cer-  
 vino corde osciculum, vel autorato te redemeris, ilicet, actum est, libi-  
 tinam, exequias. Atque ab iis quidem tuta est inopis plebeculæ te-  
 nuitas (utinam & à cæteris istorum maleficiis esset) prædivitum opu-  
 lentorumque stolidam credulitatem edendam inter se bibendamque  
 propinant, summos, medios, infimos, promittendi fallendique ma-  
 gnificis præstigiis ludificantur. Illo igitur ex inscitia barathro erupit  
 ebullitque immensa vis *medicæ*, non *concupiscentiæ*, hoc fonte derivata  
 clades in patriam populûmque fluxit: vix vt in turba ista atque strage  
 exaudiri possit illa salubritatis effeatrix, salutis custos Hippocra-  
 tea disciplina, paucorum hominum, paucorum scientia remedium.  
 Sed Arabes utcumque prædones, piratæque terrestres, quos fanatica  
 libido, vt illa bellorum scrupulium portenta impulerat. At sectores  
 zonarios quis ferat insultare honestissimæ artium, in eius imperio pe-  
 rulantissimè perbacchari, furere, ferire, iugulare? Hi sunt coniurati  
 homicidæ, generis humani perduelles, qui se Graio nomine, sed  
 ementito venditant, cùm se Chymicos, quamvis omnis boni succi ex-  
 pertes.



*Est ne Hippocratea Medendi Methodus omnium certissima, tutiss, praest.*  
expertes, appellant: aut Arabum linguâ, quorum foetura & concre-  
tio sunt, Alchymistas, ignorantiae mystas: aut insolenti barbarie vo-  
cis, barbari quippe quanti quanti isti sunt, spagyricos, an magiricos?  
quibus pro thesauro carbones, pro ratione fornacula, pro usu fauilla,  
pro methodo impudentia est. Vlsrix, incendiaria, bustuaria, iugula-  
trix, cui nec repertor, nec autor alius, quam Herculis Hippocratis,  
Abigeus Cacus Paracelsus. Huic monstro Vulcanus erat pater, illius  
atros ore vomens ignes magnâ se mole ferebat, mater confidentia,  
nutrix impudentia, comes temulentia, duces tenebrae, popina do-  
mus, ganeum sedes, gurgustium schola, viaticum mendicitas: vt  
postremus tenebrio Paracelsus, qui nihil minùs quam medicus, plus  
vnâ tamen litterâ fuerit quam medicus, magus, tortor, extortor,  
hostis quidam publicus & carnifex, Latini iuxta & Graeci sermonis,  
hoc est eruditionis omnis vsque eò insolens, vt somniis ac por-  
tentis suis diuendendis opus haberet interprete, qui coniectoris  
& arioli vinolenta deliria Latinè diriberet: Is renascentem paulò  
antè cum humanioribus doctrinis, ac iam iamque rediviuam ve-  
terem germanamque medicinam per cuniculos lucifuga, & palam,  
ferro & face sicarius aggressus est: Hermeticam falli nominis ania-  
tricen profiteri cœpit. Hippocrateam sapientiam cinislo vilissimus  
diffilare, explodere, vt in carbone ac cinere venditor fumorum re-  
gnaret, noui commenti sui nova *ovstatiæ* scilicet! principia sta-  
tuit. Dogmaticorum sapientum elementa rejicit, anatomen pro-  
fligat, temperamentorum arcanam notitiam, quæ est nebulonis in-  
temperies, repudiat, subiectum, vt elixatores illi Theffalici, appella-  
re audet. In prognosi morborum nugator est, in diagnosi conturba-  
tor, at in curatione mirum, ni decretorius iugulator, qui similibus si-  
milia tollat, igni scilicet extinguat ignem, aquam aquâ exsiccat, hoc  
est *ποσὺν πόσῳ* addat: sicque sanet vt publicus. Dietam aut Dieteti-  
cen, magnæ Sapientiæ, rectæ Medicinæ veras artes lurco intempera-  
tissimus, sicut aquam Hydrophobus extimescit: has glorias facit au-  
dax & importunus Pyrgopolinices, qui artium ad se omnium princi-  
pium pervenisse, nullius cuiusquam gnarus deprecicat. Arcanorum  
sefe nonarcham nominat, eorum scilicet quæ arcana sempiternum  
esse, humani generis interest, hoc est nunquam proferri, & cum auto-  
re suo sepeliri ac obrui. Sed vicit ineluctabilis illa malignitas, in qua  
stulti & improbi, qui plerique sunt, quorum iniri numerus non potest,  
consenescere malunt, quàm sapere & intelligere, quod rectè vivendi &  
principium & fons est; gregales suos & asseclas innumeros habet, qui  
per seculi licentiam, hominum stultitiam grassantur impunitiùs quàm

quisquam rectè facit. Hinc illa ab ore ferreo, corde plumbeo, impudentissima præconia, dum ex infami orchestra venditant suum laudatum, ex opio quidem parari solitum, sed quomocumque paratum puro crudoque ipso opio longè intutius & inefficax, & semper venenosum: auri folia, quæ inhiant, argenti, quæ captant, gemmas ad quas aggemunt, margaritas, quas dissolvunt nec solvunt, stibium *ῥηον*, quia deleterium, impuri opifices, hydrargyrum, penetrabile si quod est, venenum, chalcantum quod corio & sutrinæ relinquendum fuit: quibus tam certò, tam liquidò medentur sperci & ebriosi, indocti & temerarij cocionis affectæ, quàm ille certò auri faciendi artem invenit, cui etiam obolus defuit, quàm vitam plusquam secularem verè cæteris adpromisit is, quem non acerba nec præmatura mors (festinata debuit) anno suo sexto & quadragesimo in publico nosocomio, morborum scilicet depulsores, auri poëtam oppressit, hoc est terram cælumque leuavit: sed digniorem etiam probrosæ noxiæque vitæ exitum invenère propè innumeri eius hæresiotæ, quibus ut publicis pestibus, ut regij nummi falsissimis simulatoribus iure ac lege fracta gula est, & extorta anima in publicis furcis. Quod istis equidem non improcor, sed, aut ipsis meliorem, aut seculo bonam mentem.

**S**ED tot portenta sectarum magnificè vicit vera illa & directæ Ratio, illa cælo cognata veritas, & Hippocrateæ doctrinæ majestas, cum immanibus prodigiis, non vnâ acie, non vno seculo conscriptata, compos demum atque victrix, extulit os sacrum terris, Arabum nebulas & aëra tenebrosum dispulit, caliginem diffudit, sordes cluit, fæces immisso purissimo amni abvexit, limpido & salubri alveo, id est suo, fluxit; nec tantus Herculi labor in Augiæ stabulo, quàm Heroibus dogmaticis, duce Hippocrate, Galeno assistite, in ista tot malarum *αιτίων* expurganda colluvies nec alio immisso Alpheo, quàm Hippocrateâ doctrinâ, cuius ut Nili, fontes Galenus exploravit, & secundo illo flumine in immensum salutaris scientiæ Oceanum euectus est. Ab illo autore & principe, hoc assertore & vindice, profecta sacro-sancta & augusta Ratio, Experientiam adscivit comitem, sed quam ipsa regeret, non cui se regendam committeret. Naturæ vires singulas instrumenta habet, inexhaustos ejus thesauros & copias in peculio; scientiam profitetur, imò expromit, certam, evidentem, necessariam, quò illa conjectando tamen & collineando pervenit, *σχεδὸν* eadem & *ἁπλοῦς*. Omnium autem bonarum artium delectu & præsidio cinctus Iatrosophos, audierat ab hominum cœtibus, quod ab oraculo Lycurgus; nam ad partes affe-

*Est-ne Hippocratea Medendi Methodus omnium certissima, tutiss. præst.* 11  
 Etas clarissimam faciem ei præmonstrat Anatome. Præluce hæc, ille  
 in ægris quibuscumque per propria signa morbos latentes pervidet, eo-  
 rum causas eruit, rerum similium dissimilitudines, similitudines dis-  
 similium, plusquam lyncei oculi distinguit, vires languidas ab  
 oppressis externisque discernit, dextram pleuritici ab hepatici, à  
 cardiaca syncope apoplexiam, affectum colicum à nephritico, phthi-  
 sin à phthisi, imminentes eminentesque variolas à morbillis, *ὕπνιον*  
*πρὸς τὴν* à vera syncope, à lethargo cataphoran disputat, à rheumatismo  
 Veneream lucem dijudicat; in quibus tamen discernendis, quoties &  
 quot, nec prorsus imperiti falluntur? Iam in toto genere morborum  
 quam perspicacis est solertia is qui utroque videt oculo, quo vanissi-  
 mi Sinæ gloriantur? despiciat disceptatque sint-ne illi Endemij, an Epi-  
 demij, aut pestilentes, in ipsa *στῆθιν* *π* delitescat, quæ aëris ambi-  
 entis constitutio immutata divinitus, Hippocrateæ menti est? Morbum  
 agnovit, ad curam accingitur, exactam, *ἐντεταγμένην*; navis & impi-  
 ger opifex opiferque, ab universa medendi methodo, tanquam ab  
 instructissimo armamentario paratus, cujus veluti foribus custos, præ-  
 fidet indicationum peritia, singulare Dei munus, singulari & admi-  
 rabili interpreti concessum, Dogmaticorum Pharos, imò Helice aut  
 Cynosura, quæ fidunt duce nocturnâ Phoenixes in alto. Ad quam  
 oculos nunquam crexerunt *ἄλλοι* & inertes Empirici, nunquam atten-  
 dere *ἄλλοι* & *ἀπειροδοκίμοι* Methodici, ne novêre quidem isti ex Paracelsi  
 fornacula carbonarii decoctores, qui de cudentibus atra facere amant,  
 qui præ vero rectoque pravum & falsum, præ fide & industria frau-  
 dem & officias, præ luce tenebras amant, pro Regina Iunone meri  
 Ixionis nubem amplectuntur. At Medicus sapiens Hippocratis imi-  
 tator, sua morbis remedia, propria, inquam, & idonea adhibet. Ple-  
 thora distendit, venam minuit, sed & tot tantisque præterea vitiis  
 opportunissimo remedio phlebotomiâ occurrit; eius enim ope flu-  
 xiones quaslibet sistit, interemptrices febres jugulat, pestilentium  
 malignitatem edomat, somnum Naturæ amicum eblanditur, & in-  
 virat, dolorum acerbiterat mitigat, inflammationum vehementiam  
 sedat, Apoplecticos orci censum, & quibus vita tenui filo penderet,  
 in integrum veriùs, quàm vlla potestas, vllus pulvis chymicus, aut  
 vinum è stibio emeticum, verè stygium, restituit. Anginosis, qui-  
 bus propius nihil est, quàm ut offocentur, spiritum reddit, hydro-  
 pa iam jam imminuentem, & vel ex frigida causa sese insinuantem, Re-  
 ginâ Ratione fretus, discutit: podagram chiramque, ignavi luxus  
 fœturam, omni Chymicorum oleo potentiùs dispellit, hæmorrhoi-  
 dium avertit, dysentericum reprimat, cunctantes variolas, Maiori-  
 bus ignotas, evocat, morbillorum cacoethiam emendat, ab iis pul-

monem innoxium vindicat, intemperiem omnem procurat, obstru-  
ctiones effecit. Toti corpori *διόται, διὰνεται*, & habilem vigorem con-  
ciliat, innumeris commodis vitam beat. Verissimum Nepenthes, &  
salutarem Panaceam, non habet sibi, sed hominum generi, cui seipsum  
debet, impertit. Est enim in recta veraque Methodo alexiterium sum-  
mum, & omnium *πανδημιάς ὑγιαίνοντων*. At nulla insit *πανδυναμική ανδροσύη*,  
quid noster artifex? in se ut sapiente dignum est, spem omnem re-  
ponet sui, vrgentes indicationes affectabitur, agendi legem ex iis  
captabit: venosa cacochymia si erit, sive in venis diffusa humorum  
pravitas ac nequitia, si affectus ab inclusa putredine ortum causam-  
que habebunt, seu febriles illi, seu rheumatici aut catarrhoici, sive  
ulcera inerunt, aut minabuntur, si ad vivum vulnera perfederint, fi-  
denter & intrepidè venam pertundet, & pro modo virum aget cum  
ægro, quoad eius est, optimè: sin impuri humoris malè amica con-  
geries extra venas stabuletur, putà in cavis hepatis, in pancrea aut  
mesenterio, quam mercenariæ operæ nutriculum meritò dixeris, in  
cerebro, in artubus, in habitu corporis vniverſo: tum verò in aliud  
ingens præsidium immigrat, Catharsin dico, eamque sincerè admi-  
nistrat: Ea est vitiosi & qualitate noxii humoris detractio, quæ id pec-  
cati emendat: quod superest, eadem perficit, excernenda deradit,  
obstructa referat, imbecilla roborat, si *διυγίζεις*, id quod artis & pe-  
ritiæ est, exhibeatur: eius rei *καρὸς* sive *διυγίς* si absit, non reme-  
dium ille, sed venenum porrexit, iugulum petierit vitæ extor-  
tor, ficarius, grassator: at iisdem Medicus si obtigisset, revaluerant, re-  
vixerant. Mirificam occasionis vim & necessitatem! quæ ut in rebus  
agendis caput est, sic medici auxilii anima est: eius momentum non  
anteceperit, non præterierit is, cui des nominis huius honorem: qui  
ut voti compos fiat, compotem ægrum faciat, artes suas omnes ad-  
vocat, omnes copias contrahit: ex immensa sylva medica feligit ex-  
promitque, quibus vis morbi cedere cogatur, sed pauca de multis,  
certa ex innumeris, eximia etiam de selectis: hoc quisquîs sciet po-  
teritque, Medicus esto: Tanti auctoritatem nominis alius ne attin-  
gito. Quò enim densissima seges moventium quidem, at nihil pro-  
moventium, irritantium sed irritâ vi, imò iratâ Hygeiâ, medicamen-  
torum? Eane quæ vulgo purgantia dicuntur, promiscam, passim &  
nullo delectu solers & sapiens noster vsurpabit? Odi, inquit, pro-  
fanum vulgus, & arceo, paucorum erit hominum, paucorum reme-  
diorum, de melioribus optima, de lætis probatissima ad manum ha-  
bebit strenuus & expeditus bellator, qui non vario & multiplici re-  
lorum genere, sed apto & certo, fugam hosti, suis opem & victo-  
riam, decus sibi & adorem parat. Ita hic Naturæ propugnator, qui



*Est-ne Hippocrate Medendi Methodus omnium certissima, tutiss. prest.* 79  
 purgantium ingenium, item vt purgandorum *ἡρότων* & *ἐξον* penitus  
 noverit, partium incendium restinguet primum, deinde cineres ever-  
 ret, ac reliquias omnes profligabit: nec illi idcirco ad ultimos Æthio-  
 pas navigandum erit, non adeundi Colchi, non petenda naufragiis,  
 quæ Pontus aut Iberia mittit venenorum ferax, nec quæ India fert  
 tristes succos, nec ita summi opificis benignitate diffidet, aut solum  
 natale damnabit, vllis id vt commodis, nedum necessariis adiumen-  
 tis destitutum putet. Domo igitur petet, vnde domi curet percurret-  
 que. De peregrinis & exoticis, item vt de popularibus suis, liben-  
 tius in vsum revocabit *ἐνδοχέως*; operosa sumptuosave fastui & fasti-  
 dio, eique demum generi relinquet, cui salubritas ipsa putet, ni au-  
 rum contra cara sit. At hic quem designamus, quem se esse opti-  
 mus quisque vover ac studet, exquiret, eligetque de omnibus id quod  
 æquè pauperibus prodest, locupletibus æquè, quod longa etas, quod  
 recta ratio, quod oculata experientia approbavit, quæ quotidianus  
 vsus admittit, nec redarguit. In hunc censum veniunt aloë *ἐνδοχέως*,  
 cassia prolutrix, manna, rheum, quod nos efficax, barbarum licet  
 barbari vocent, rosarum pallidarum succus, *ῥόδων* *ἡρότων* florum persi-  
 cæ, de rhamno solutivus, senaque, quam rectius sanam, & purgan-  
 tium veluti Reginam meritò dixeris, cuius eximias vires doretsque  
 qui nescit, is planè in Medicina hospes est, & ignorat profectò *μέγιστον*  
*ἔχει*: qui bene penitusque novit, Panaces *πανήχην*, imò *παρὰχρησιν*,  
 appellare non dubitat, omnis pravi succi eductricem, cui aut cedant,  
 aut dissiliant, omnes *ἀρρυσκότων* Paracelsitarum fornaculæ & *μαγὰ*  
*ῥάματα*: neque enim illa deprehensa est, vel intestina corradere, vel  
 sanguinem proritare, neque viscera vllò modo accendere, blandè  
 quippe, lentè tutòque purgat, nullà qualitate infensa est, nemini  
 nocuit vnquam, neque nocitura est, quam modò tempestivè Dogma-  
 ticus noster exhibuerit: pueris ac senibus vtilis, neque prægnanti-  
 bus adversa. Copiosà illà paucitate satis beatus vir Medicus, morborum  
 omnium *ἀντιστάτης* & averruncus existet, supervacuis istis facilè carebit,  
 operosas Arabum paraturas tam constanter amputabit, quàm invtiles  
 farcinas bonus imperator, easque impedimentis adsciber, officina-  
 rum pompam & inanem fastum proculcabit, scammonij facultatem  
 non obtrectabit quidem, sed temperaturæ difficultatem facilioribus  
 neque eo tamen inefficacioribus, postferet, ab vfu potius quàm vt in  
 abusum vertat, repudiabit. Non turbis illo viscerum turbatore,  
 damnosos & noxios *ἐξοριστὸς* ciebit: exesto, inquiet, amarulenta colo-  
 cynthis, exulet veratrum, & melioribus locum det, salubrioribus  
 cedant elaterium, ricinus, sambucus, euphorbium, laureola, succus  
 ireos, cæteraque manifestæ malignitatis venena, quæ quia prodesse



possunt, sed & obesse sapius & gravius solent, ab latreo nostro arceantur: à quibus si cruentas manus *ἁγία* empirica non abstinet, at ab iis ægri se, & à bustuariis empiricis abstineant, moniti meliora sequantur: damnent feriò, si ferò, humanæ vitæ aleatores illos, quibus eger pro tabula, pro fritillo est, pharmaca ista pro talis atque tesseræ. Iactus vnus prosper cecidit, senio, venus semel, at centies canis, ipsa mors creduli ac infelicitis ægri, cuius isti corio & capite ludunt. At iustus ac legitimus artifex, antimonium, imperitè & sine Methodo medentium, virus ac *δυσήθειον* arbitrabitur, nec ei parando manus admovebit, quod paratum nunquam est, quod tam valde venenum est, vt maleficium exuat nunquam, ad grarios fabros & liquanda metalla amandabit, ab hominis corpore, ne id multò vehementius dissolvat, amovebit: à quo si qui fortè evasere ( millesimus is iactus casusve est ) ætati & naturæ id suæ accepto ferant, non stibio. Nec tanti erat semel evasisse, vt domesticam deinceps & assiduam noxam alerent visceribus impressam intimis, ipsique in primis *οικονόμος* ventriculò, cui pestis illa bellum nefarium indixit, cuius malignitatem si norunt Chymici, neque detestantur, intestabiles ipsi execrandique sunt: si ignorant, cur id, veluti iugulo sicam, adigunt? Amabiles verò sapientes Dogmatici, qui veneni eius indomitam malitiam, quia norunt, exhorrescunt. Quid illa, quæ vulgus Arabum, & plebs officinarum, cardiaca nominat? eorum esse retur, qui cor ipsi non habent, os de cervino corde, margaritas, bezoar *βίδια ζοῖς*, pretiosa detrimenta vitæ huius miseræ, fragmenta ramentave ex gemmis, quæ vitalem vim frangunt & extenuant, lazulum lapidem, alkermes, hyacinthum, & sexcentas id genus pecuniarias machinas, sicut ille veneficam Medeam, arceat tactu & accessu procul, ad suos Arabas, unde noxium pedem attulerunt, imò ultra humanitatis fines, generosè & Christianè ablegat, quoslibet affectus humanæ naturæ hostes, sanâ ratione fretus, experientiâ certâ, probatisque remediis potens aggredditur, Apoplexiam, quæ verè ictus est sanguinis etiam pituitosi, lethargum, aut alios affectus soporosos, nullo evincit emetico, vegetabili aut metallicò, sed venæ sectione, cruentis eucurbitulis, enematis aerioribus, imò & validiore catharsi: Epilepsiam nullo amuleto vel physico, vel magico, sed ipsius causæ quæ diversis è locis ad cerebrum crepit, depulsionem, per inediam, per vomitum, per aloem, per *αῖσιν*, per aromatulm & omnium acrium odium. Catarrhum dispellit, sistit, avertit diatrâ parcissimâ, non granulis perniciosâ malignitate suffectis, non laudano mortifero, non opio *χυκοποιῶν*, non *ἀφίον* philonio, aut pilulis è cynoglossò, caustum sectis venis & arteriis, & frigida potu, quartanam perdomat solâ abstinentiâ & tempestivè

*Est-ne Hippocratea Medendi Methodus omnium certissima, tutiss. præst.* 15  
foliorum Orientalium usu. Chymica an chimærica illa arcana, & specifica ? grandia verba scilicet, cacochymicis contortoribus derelinquit, quibus eternum angantur, quousque resipiscant. Asciten, senâ, rheo, hydragogis mitioribus, paracentesi, & crurum scarificatu, non sale chymico deurente, non albo pulvere, miserum medicastrum, sed miseriozem ægrum fallente. Pestilentem febrem, cui nova pestis est ipsa Theriaca, aut Mithridatium, confectio alcermes & de hyacintho, non ementitis cardiacis, non diambra, non perlarum percarè perditricum spiritu mortuo ac evanido, non triviali cornu illo vnicornis, quod fabula est, & fabulæ qui vtuntur: non illâ Orbivitiâni orbi vitandi mendacissimi circulatoris audaciâ, quæ tunicatum popellum offuciarum avidum plus satis, nimia profectò sacræ Themidis indulgentiâ, quotidie ludos facit, sed refrigerantibus, acidis, ( quæ vera cardiaca sunt ) purgantibus averruncat: variolas tenerioris ætatis nativam Aten, sanguinis missione sæpius repetitâ, etiam in lætentibus, mali medici, & granatorum succo, solâque senâ feliciter emendat, amandat, seque fidum & sapientem Naturæ ministrum in omnem partem exhibet; Phlebotomiæ & catharsi exquisitam dietam moderatricem apponit, huic copias auxiliares adiungit balnea tempestiva, etiam *amque* metallicarum aquarum, lactis, cuiusmodi morbi ingenium, & ægri vires apposunt, usum; loci cælive mutatione, amœnitate rusticandi, animi oblectatione, & blandâ iucunditate sensuum, usque non *arctus*, nec *desiderat*, hominem sibi restituit, ac veluti reficit. Atque ut regit ipse, sic regitur tempore, loco, arte, methodo, ipsisque adeo indicationibus.

*Igitur Hippocratea Medendi Methodus omnium certissima,  
tutissima, præstantissima.*

---

Proponebat Lut. IOANNES-BAPTISTA MOREAV,  
Parisinus, Anno R. S. H. M. DC. XLVIII.

PARISIIS,

Apud NICOLAVM BOISSET, Typographum & Bibliopolam, Platcâ  
Malbertinâ, ad Insigne D. Stephani.

M. DC. XLVIII.

*cette thèse est la 978<sup>e</sup> du tome VI du  
recueil in folio de thèses de la faculté.*